曹颖甫曰:本案桂枝汤证其四实为太阴病,盖桂枝汤为证见脉浮之本方,虽重棉叠衾,尚觉恶寒蝉,有似麻黄汤证,不知桂枝汤证原自有啬啬恶寒者,况脉浮而不紧,其不为麻黄汤证明矣。因下利之为食滞也,加六曲炒谷麦芽,因小便短赤也,加赤茯苓,可以悟随证加减之法矣。

姜佐景又按:本年(二十五年)六月二十四日起,天时突转炎热,友人沈君瘦鹤于其夜进冰淇淋一客,兼受微风。次日,即病。头胀,恶风,汗出,抚其额,微冷,大便溏泄,复发心悸宿恙,脉遂有结代意。与桂枝、白芍、炙甘草各钱半,生姜一片,红枣六枚(切)。夜服此,又次早醒来,诸恙悉平。唯心悸未愈,乃以炙甘草汤四剂全瘥。诸方均不离桂枝。又越日,孙椒君以进梅浆,病下利,恶风,冷汗出,头胀,胸闷,骨痠,腿软,不欲食而呕,一如沈君,给方与沈同。唯孙君以午夜市药,药肆不备红枣,任缺之。服后,一时许,热汗染染遍体,舒然睡去。翌早醒来,不知病于何时去。然则桂枝汤实为夏日好冷饮而得表征者之第一效方,又岂唯治冬日北地之伤寒而已哉? 夫伤寒而必限于北地,北地而必限于冬日,抑何固执之甚邪? 使有见我治沈孙之方,而曰:"桂枝、生姜皆辛热之品,值此炎令,何堪抱薪救火? 甘草、大枣又悉甘腻之物,甘增中满,腻能恋邪。若芍药之酸收更属不合。综药五味,乃无一可用者。"若病者无坚决之信仰,聆此评语,得毋弃吾方而不敢服乎?

然则桂枝汤证之病理果如何,桂枝汤之药理又如何?至此,不能不有所解说。在余未陈己意之前,姑略引诸家之说,以资参考。《医宗金鉴》略云:"桂枝辛温,辛能散邪,温从阳而扶卫。芍药酸寒,酸能敛汗,寒走阴而益营。桂枝君芍药,是于发汗中寓敛汗之意。芍药从桂枝,是于固表中有微汗之道……"陆氏九芝曰:"桂枝者,能入营而出卫者也。太阳主开,今风乘之,而过于开,则必祛风外出,而太阳之气始复其常。但中风为虚邪,营气已弱,是宜慢泄。又风邪已近肌肉,即为肝气乘脾,故君以桂枝,而必以养血和中者为臣。风能化热,以芍药之凉者监之……"柯氏韵伯曰:"此



95